

## .. البحث عن ألوان مبهجة

نفسى أرسـم تانى... رغم طول السنين  
إخترت ألوانى لقيتها السواد غالب!!  
وأحمر بلون الدم والأصفر فيها باهت  
زى طائر حزين أو رمل مطروح وسينا  
وصحارى كبيرة ممتدة  
محتاجة خير ودليل  
....

قلت لا....  
عاوز أرسـم خضار وعمار  
وسن ضاحك بلون النهار  
ولون الورد على حدود الجميلة  
نفسى أشوفه من سنين طويلة  
....

أخيراً طَلَّت علينا!!  
شمس شروقنا الجميلة



في نهاية نفق مظلم

عشناه سنين وسنين

....

وفجأة ظهر الدليل!!

وقال نملاً الصحارى خضار

وشَجَرَنَا يَحْمِلُ ثَمَار

...

بدأت أرسم الأمل ألوان

زى السما الصافية

وحبات المطر نادية

ورغم وعورة الطريق

الكل عاوز يطير

ويحقق المستحيل

بسواعد رجالنا

وألوانها تصبّح بهجة

بريشة الفنانين

.....